

乙之宅合陽之宮至其南也朱雲陸離丹閣靈寶神桂宿日南極奉
塵羽翰極乎麗暉珠貝極乎雕飾鵬鶚駕而鳳軒鯨鯢御而兕履是
謂朱明之宮天帝之闕北則至幽號曰元府紫微之所宿萬象之所
聚玉臺瑩光氷柱炫色珊瑚如林水晶四徹雲沆寥而守默氣鬱森
而馳起靈龜元龍參錯其下松檜接乎帝闈金碧曳乎泉石翼八獸
以守備役百神而司臬夫皆五天之至精萬化之樞紐能有至者皆
必具靈負秘與抱圖膺籙之士有天人之德者也已而風柔香墜路
豁視空若雙龍之負引倏靈宇之就中仙姝麗乎兩間洞簫錯乎萬
笙浩歌凝乎飛泉朱絃颯乎翠空座列煥乎雲端境象委乎穹櫳環
珮鏘乎旖旎禮數儀乎動容予乃攝衣升堂長揖就位悟人世之囂
紛歎靈扃之皇閑乃與金子終身同丈人居之不去

華山賦

許讚